

左
通
補
釋

補釋七

起僖公廿年
盡廿六年

左通一

錢塘梁履繩學

廿僖新作南門解魯城南門也本名稷門僖公更高大之今猶不與諸門同改名高門也言新以易舊言作以興事皆更造之文也

劉氏

敞

曰南非一門庫門天子臯門雉門天子應門天子

諸侯皆南面而聽政門必嚮南其來舊矣今新其舊而書

新作是必有僭制焉穀梁所謂有加其度者是也

家氏春秋詳說

一王氏葆曰顧命孔氏傳南門路寢門則知魯南門乃路

門也魯庫雉二門既用天子之制惟路門猶仍舊故僖公

因其敞而斥大之

大事表三十八

案諸侯三門庫雉路皆南嚮

劉氏所謂南非一門是也特不言此南門當何門以愚揣之其路門爲近陳氏禮書云魯公周公之故不可以稱臯門應門特爲臯應之制而已其庫雉之名至春秋時不改庫門見檀弓雉門見定二年經惟路門無文蓋卽所謂南門也其本名稷門者猶齊國改路門之名爲虎門爾本禮書虎門見昭十年傳

滑人莊十六年解滑國都費河南緱氏縣

滑國伯齋

本莊十六年經文

姬姓

本成十三年傳注

國于費今河南河南

府偃師縣南二十里緱氏故城是

大事表五

襄十八年楚公子

格侵鄭費滑案滑爲古滑國秦滅之而不能有三

傳卅

爲晉

所得然其地近鄭在所必爭成十七年鄭子駟侵晉虛滑至此時屬鄭後又屬周定六年鄭伐周馮滑胥靡鄭之始

終與周晉爭滑如此

大事表四

高江邨駿正地理處皆體會傳

文而知其道里之遠近說多當理獨於僖二十年鄭人入滑謂非緄氏之滑反有取於熊過之說以爲大名之滑縣此大謬所謂過求而失之也滑縣在春秋時止稱漕邑無滑之名漢魏爲白馬縣至隋開皇十六年始改曰滑州聞有前代之地名而後世因之者未聞有後世之改革而前代可假用之者也漕本爲衛下邑所謂白馬與北岸黎陽止隔一河衛舊都在黎陽之廢衛縣爲狄人所逐渡河野處去其國都不遠若先有滑國在焉戴公安得廬之而齊桓又安得驅滑之衆庶而更以封衛乎若謂旣爲滑又以封衛則衛爲鵠巢鳩居而滑爲鳥鼠同穴必無之事也又

江邨云戴公野處漕邑與齊桓城楚丘封衛皆在滑境滑蓋衛都邑所在故鄭人極力爭之而終不得自古無與人爭國都之理以戰國秦之彊圍趙邯鄲已爲異事在春秋時尚無此等且使滑爲衛都邑則滑已滅于衛矣安得更謂之滑屬于列國而上煩周天子之命乎原江邨所以疑滑非緄氏之滑者以傳云滑人聽命師還又卽衛謂滑必鄭衛交境之地而緄氏遠在河南非衛所及似又不必如此拘泥齊晉與國幾半天下卽如魯之邾莒亦不必十分逼近攷秦人滅滑傳秦師過周北門次及滑鄭商人弦高遇之滑與鄭鄰近自不必言而衛之儀封亦在河南與滑非絕遠不必以此爲疑也又案莊三年公次于滑杜注鄭

地在陳畱襄邑縣西北此本後漢志之說今睢州西北之滑亭是也與緱氏之滑自別蓋彼是滑國此是滑地謂滑有二則可江邨謂滑有三而以滑縣之滑當其一則非也

大事表
七之四

信廿一

宋人爲鹿上之盟解鹿上宋地汝陰有原鹿縣

今江南潁州

案潁州今升府屬安徽省

太和縣西有原鹿城

日講春秋解義十

九

諸侯會宋公子孟解孟宋地

宋孟在河南歸德府睢州西北

春秋與圖

孟有四隱十一年王

取蔦邗之田于鄭邗亦作孟鄭地也

案定八年劉子伐孟卽邗也

僖二

十一年宋楚會于孟宋地也昭二十八年孟丙爲孟大夫

哀四年齊伐晉取孟晉地也定十四年蒯賁獻孟子齊衛

東地也

春秋分記疆理書十一

案日知錄四謂晉有二孟以昭傳

之孟爲今太原孟縣

太原府屬之平定州今升直隸州孟縣屬之

以哀傳之孟

爲當在邠洺之間然土地名於哀傳內不列孟地則知晉無二孟程克齋之說是也

會于薄

亳宋邑亦名薄僖二十一年盟于薄釋宋公哀十四年桓

魋請以鞏易薄是也

春秋地名攷略十

案荀子議兵篇湯以薄

楊倞注薄與亳同餘詳莊傳下

任解今任城縣也

任伯齊

路史國名紀一

今山東濟寧州是至孟子時猶有任國

大事

表任有二僖二十一年任宿須句任國也襄三十年羽頡

爲任大夫晉邑也

春秋分記通理書十一

須句

解在東平須昌縣西北

大事表云今山東泰安府東平州是

須句氏子齊

通志氏族略二

京相璠曰須胸一國二城兩名蓋遷

都須昌胸是其本

公羊作須胸水經濟水二注

詳具駁證

顓臾解在泰山南武陽縣東北

顓臾氏魯附庸國主東蒙及濟水之祀

氏族略二

顓臾子齊

路史

國名紀一

國在今山東沂州府費縣西北八十里

春秋與圖

僖二

辛有適伊川

解周地伊水也

伊源有二水經注伊水出南陽蔓渠山逕陸渾縣三塗山下合涓水以東注號略其地卽辛有所過者也後漢書伊

水出盧氏括地志伊水出盧氏轡山近志伊川出盧氏閼
頓嶺東流經嵩縣洛陽偃師入洛水蓋原有二水合流諸

家各言所見是以不同耳

春秋地名攷略一

秦晉遷陸渾之戎于伊川解允姓之戎居陸渾在秦晉西北
二國誘而徙之伊川遂從戎號至今爲陸渾縣也

陸渾之戎卽小戎之徙于中國者

小戎見莊二十

陸渾卽瓜州

地名後遷伊川仍以陸渾爲名今河南府嵩縣北三十里

有古陸渾城

大事表五

餘見駁證

寡君之使婢子侍執巾櫛解婢子婦人之卑稱正義曲禮云

夫人自稱於其君曰小童世婦以下自稱曰婢子

婢之言卑也於其君稱此以接見體敵嫌其當

禮記曲禮下注降

於夫人故並自稱婢子賤故也故春秋傳晉懷嬴謂公曰寡君使婢子侍執巾櫛是也注云接見體敵嫌其當者爲其接見之時暫有體敵嫌若當夫人然也

又正義

縣諸魚門

解邾城門

梁國睢陽有魚門

續漢書郡國志二

天之弃商久矣

日知錄武王伐紂第二則云武王克商不以其故都封周之臣而仍以封武庚及武庚既畔乃命微子啟代殷而必於宋焉蓋不以畔逆疑其子孫而明告萬世以取天下者無滅國之義也故宋公朝周則曰臣也周人待之則曰客也自天下言之則侯服于周也自其國人言之則以商之

臣事商之君無變於其初也平王以下去微子之世遠矣而曰孝惠娶於商曰天之弃商久矣曰利以伐姜不利子商吾是以知宋之得爲商也案左傳哀二十四年孝惠娶於商此宗人黶夏對魯哀公之言陸氏曰定公名宋故黶夏爲諱而稱商也此解絕妙寧老獨未見耶僖二十二年楚人伐宋以救鄭宋公將戰大司馬固諫曰天之弃商久矣君將興之弗可赦也已不曰弃宋而曰弃商者此卽下文寡人雖亡國之餘之意亦卽一姓不再興之說也今取以證宋得爲商竊恐寧老未識當時立言之意因思僖二十一年宋人爲鹿上之盟以求諸侯於楚公子目夷曰小國爭盟禍也宋其亡乎此處斷宜稱宋則彼處稱商正可

意會哀九年晉趙鞅卜救鄭遇水適火史龜曰是謂沈陽
可以興兵利以伐姜不利子商不曰伐齊與宋而變文言
姜言商者取與上文陽兵協韻毛詩古音考可此固古人
文字之常只觀下文伐齊則可敵宋不吉二語不用韻協
便直稱齊宋本號則可見矣潛丘劄記四下

戰于泓解泓水名

泓水在今河南歸德府柘城縣北三十里

大事表八下

君子不重傷不禽二毛解二毛頭白有二色

不重創恤病也不禽二毛敬老也既射其目又斷其首爲

重創鬢髮白爲二毛

穀梁文十一年傳注

雖及胡者解胡者元老之稱正義諡法保民者艾曰胡胡是

老之稱也

詩曰狼跋其胡狼之老者頷下垂胡故以爲壽考之稱詩

曰胡考之寧傳曰雖及胡考

釋名胡考咽皮如雞胡也

諡法彌年壽考

曰胡保民者艾曰胡陳有胡公而蔡仲及周厲王名胡似

亦皆取此義

晉王胡之字脩齡
日知錄三十二

鼓儵可也

左氏以爲不用子魚之計至於軍敗身傷所以責襄公也

而公羊善之云雖文王之戰亦不是過鄭箴膏肓云刺襄

公不度德不量力引考異郵云襄公大辱師敗於泓徒信

不知權譎之謀不足以交鄰國定遠疆也此是譏師敗也

公羊不譏違考異郵矣是德均力同當權以取勝也

詩大明正

義

勞楚子於柯澤解鄭地

襄十四年衛孫氏敗公徒于阿澤水經注作柯澤此在東

阿非鄭之柯澤也

春秋地名
攷略六

婦人送迎不出門

門寢門也

國語魯
語下注

傳廿三

圍緡解宋邑高平昌邑縣東南有東緡城

宋緡在山東兗州府金鄉縣東北二十里

春秋
輿圖

楚成得臣解成得臣子玉也

伯比生三子曰於菟曰子良

見宣
四

曰得臣

春秋分記
世譜七

孔

廣棡曰僖二十八年傳注若敖子玉之祖也晉語注子玉

若敖之曾孫案宣傳若敖娶於邠生鬬伯比伯比生子文而程氏分記以得臣爲伯比之第三子是與子文爲昆弟則云若敖曾孫者誤已

遂取焦夷解焦今譙縣也夷一名城父今譙郡城父縣二地皆陳邑

陳焦今江南潁州府亳州治後入楚夷在州東南七十里後入楚曰城父許遷于夷卽此詳見昭九年城父下二地今隸安徽省春秋輿圖城頓而還解頓國今汝陰南頓縣

汝南郡南頓故頓子國姬姓漢書地理志上應劭曰頓迫于陳其後南徙故號南頓故城尚在又注傳二十五年楚人圍陳納

頓子于頓蓋頓國南徙卽在此時也案晉書南頓縣屬汝

南郡杜云汝陰當是曹魏改名也

春秋地名
攷略十四

叔伯曰解叔伯楚大夫蒧呂臣也

蒧氏章生二子曰呂臣

無後

曰賈

見傳二十七
秋分記世譜七

春

案唐

書宰相世系表三下云蒧章生蒧呂臣孫蒧賈大事表因之誤已

其人能靖者與有幾

解

言必矜功爲亂不可不賞

餘絕句

此倒語也若曰其有幾人能靖者與

邵氏左

案傳中每有

此句法定元年公氏將溝焉正義云猶言將溝公氏焉古人多倒語又詩大雅江漢正義云淮夷來求正是來求淮夷古人之語多倒舉此可以類推已

淫刑以逞誰則無罪

誰則無罪無無罪之人也言己之不召子本無罪而淫刑

則亦罪之也

梁萬方儀禮經傳通解十二補注

杞成公卒

子德公立系本及譙周並作惠公又云惠公生成公及桓公是此系家脫成公一代故云弟桓公姑容立非也且成公又見春秋經傳故左傳莊二十五年云杞成公娶魯女有昏姻之好至僖二十二年卒始赴而書左傳云成公也是杞有成公必當如譙周所說

史記陳杞系家索隱

則就木焉解言將死入木

木謂棺也

後漢書歌純傳注

出於五鹿解衛地今衛縣西北有地名五鹿陽平元城縣東亦有五鹿

杜蓋兩注以存疑晉之衛縣今爲山東東昌府觀城縣案

今屬曹州府

元城縣卽今大名府治也直隸省案五鹿爲衛邑晉

交取之而仍屬衛襄二十五年衛獻公自齊還國崔杼止其帑以求五鹿此時蓋屬衛哀四年齊衛救范氏圍五鹿則又屬晉且地近邯鄲中牟鄴城則元城之說爲長今大名府有五鹿城二屬元城縣者卽沙鹿城屬開州者衛地五鹿是也開州東與觀城縣接界大事表七之二

野人與之塊

塊壤也

國語晉語四注

稽首受而載之

古人席地而坐引身而起則爲長跪首至手則爲拜手手至地則爲拜首至地則爲稽首此禮之等也君父之尊必用稽首拜而後稽首此禮之漸也必以稽首終此禮之成也大明會典曰後一拜叩頭成禮此古之遺意也古人以稽首爲敬之至周禮大祝辨九擗一曰稽首注稽首拜中最重臣拜君之禮禮記郊特牲大夫之臣不稽首非尊家臣以避君也左傳僖二十三年秦伯享晉公子重耳公賦六月公子降拜稽首公降一級而辭焉襄公三年盟于長樗公稽首知武子曰天子在而君辱稽首寡君懼矣二十四年鄭伯如晉鄭伯稽首宣子辭子西相曰以陳國之介

恃大國而陵虐於敝邑寡君是以請罪焉敢不稽首哀十七年盟于蒙齊侯稽首公拜齊人怒孟武伯曰非天子寡君無所稽首國語襄王使召公過及內史過賜晉惠公命晉侯執玉卑拜不稽首內史過歸以告王曰拜不稽首誣其王也可以見稽首之爲重也陳氏禮書曰稽首者諸侯於天子大夫士於其君之禮也然君於臣亦有稽首書稱太甲稽首於伊尹成王稽首於周公是也大夫於非其君亦有稽首儀禮公勞賓賓再拜稽首勞介介再拜稽首是也蓋君子行禮於其所敬者無所不用其至則君稽首於其臣者尊德也大夫士稽首於非其君者尊主人也見八十七荀子言平衡曰拜下衡曰稽首至地曰稽顙大略似未然

古惟喪禮始用稽顙蓋以頭觸地其與稽首乃有容無容

之別

日知錄
二十八

從者以爲不可將行謀於桑下蠶妾在其上以告姜氏姜氏殺之解齊桓既卒知孝公不可恃故姜氏重耳妻恐孝公怒其去故殺妾以滅口

從者趙衰之屬

國語晉語四注

桓公與秦共納惠公不欲復納重

耳九忌其賢而以計畱之故妻以女富以馬如周瑜之建

策於孫權羈縻玄德者至孝公時諸侯皆叛壻又欲去益

恨故從者謀行而姜氏恐露其計因殺妾以滅口

傅遜春秋左傳

註解

辯誤上

顧諟在瞻問晉文公在齊妻姜氏後亦不見下落

不比秦文嬴狄季隗一逆之一歸之何也余曰蓋未及公

子反國而已前死云易徵乎爾徵諸文六年趙孟之言古者諸侯娶有九女文嬴嫡也班第一偁姑世子母也班第二季隗文公託狄時妻班第三杜祁以讓此二人也故班在四然則趙孟獨不曰以齊故讓姜氏而已又次之故班在五則姜氏不在九人之列可知其不在九人之列意其蚤死也不然文公豈得寵而忘舊者不一迎歸之乎姜豈不若季隗請待子而不嫁乎齊倘若蔡嫁蔡姬晉不興師伐之乎此等須從空中看出方識左氏文章之密劉向列女傳稱晉文迎歸以爲夫人果爾置文嬴何地不足據尚書古文疏證五上案晉宣帝張皇后殺婢滅口其智識頗類此惜齊姜不及與晉文反國耳

懷與安實敗名

懷私安自安

國語晉語四注

懷人之寵與安己之居實足以敗壞

功名

林氏句解

曹共公聞其駢脅解駢脅合幹正義駢訓比也骨相比迫若

一骨然

高誘曰共公名襄昭公之子

見呂氏春秋上德篇注惠氏補注二

晉文公

駢脅謂脅骨連若版也

說文脅字繫傳

男女同姓其生不蕃解蕃息也正義禮取妻不取同姓辟違

禮而取故其生子不能蕃息昌盛也

不娶同姓何法法五行異類乃相生也

白虎通五行篇

則何以報不穀

曲禮曰四夷之大國於境內自稱不穀

國語晉語四注

案鄭氏

曲禮注云與民言之謙稱穀善也而淮南人間訓許慎注云不穀不祿也人君謙以自稱也究不若從善義爲得韋氏因楚是四夷之大國故引曲禮解之其實齊桓對屈完亦自稱不穀也許已具四年正義

子女玉帛則君有之

有之楚自多也子女美女也

晉語四注

羽

羽鳥羽翡翠孔雀之屬

晉語四注

餘見隱五年

其波及晉國者

波滋也

晉語四注

若以君之靈

靈神也

晉語四注

晉楚治兵遇於中原其辟君三舍

治兵謂征伐古者師行三十里而舍三舍爲九十里司馬

法曰進退不過三舍禮也

案史記晉世家集解賈逵曰司馬法從遜不過三舍三舍九十

里也晉

語四注

其左執鞭弭右屬櫜韃以與君周旋弭弓末無緣者櫜以

受箭韃以受弓屬著也周旋相追逐也

正義云云

鞭所以擊馬傳曰雖鞭之長不及馬腹爾雅曰弓無緣者

謂之弭櫜矢房韃弓強也言以禮避君君不旋乃敢左執

弓右屬手於房以取矢與君周旋相馳逐也

晉語四注

弭弓反

末警者以象骨爲之以助御者解轡紛宜骨也

詩采薇箋釋文紛

音計

又音結本又作紛案說文弭下作紛

兵車三人同載左人持弓中人御

車各專其事尚書左不攻于左汝不能恭命御非其馬之正汝不恭命是職司別矣而言助御解轡紛者御人自當佩角不專待射者解結弭之用骨自是弓之所宜亦不爲解轡而設但巧者作器因物取用以弓必須滑故用象骨若轡或有紛可以助解之耳

又正義

奉匱沃盥旣而揮之解匱沃盥器也揮湔也

婚禮嫡入于室媵御奉匱盥揮灑也

晉語四注

設盥水及巾尸

尊不就洗又不揮

儀禮特牲饋食禮注

揮振去水使手乾今有巾故

不揮也是以左氏傳云公子重耳在秦秦伯納女五人懷

羸與焉奉匱沃盥旣而揮之懷羸怒是也

又疏

何以卑我

卑賤也

晉語四注

公子懼降服而囚解去上服自拘囚以謝之

懼羸之訴降服徹上服

晉語四注

僖廿四

所不與舅氏同心者有如白水

解言

與舅氏同心之明

如此白水猶詩言謂予不信有如皦日

正義

諸言有如皆是

晉辭云云

蓋要質河神使司其約耳故史記改爲之言曰若反國所

不與子犯共者河伯視之斯得其指矣

陸氏附注一

案外傳

晉語云有如河水韋昭注如往也言若不與舅氏同心不

濟此河往而死也愚謂如若也與有若大川同意三焉得

以無能涉河宣十無敢復濟之義襄十爲解乎

圍令狐文七年解令狐在河東

今山西蒲州府猗氏縣西十五里有令狐城大事表案

咸十一年秦晉會于令狐卽此國語稱魏頡爲令狐文子

晉蓋其食邑也故今猗氏人有氏令狐者

入桑泉取曰衰解桑泉在河東解縣西郡國志引杜預曰解

縣東南有白城

今蒲州府臨晉縣東十三里有桑泉城曰衰在今解州西

北大事表

晉師軍于廬柳

軍猶屯也

國語晉語四注

今山西猗氏縣西北有廬柳城

春秋解

義二

十

秦伯使公子絳如晉師師退軍于郇

解縣西北有郇城

告曉呂冀退師聽命

晉語四注

晉師從秦命納文公故退師郇

在今山西臨晉縣東北

日講春秋解義二十

餘見駁證

命女三宿女中宿至

君令三宿而汝一宿

韓非子難三篇

案中宿再宿也此作一宿

者蓋卽詩頌有客正義所謂又一宿爾

己丑晦

僖公二十四年乙酉三月辛酉己丑晦二十九日

杜氏經傳

歷長

案傳文己丑晦屬三月下其爲三月之晦無疑乃晉

語注云己丑三月朔時以爲三月晦蓋韋昭所推較長歷
差二日故以本傳二月甲午爲二月六日月大推至己丑
爲三月朔其不稱四月朔者賈侍中云是月閏以三月爲
四月知韋亦于三月置閏也長歷則以二月甲午爲二月
四日月大推至己丑爲三月晦于四月置閏故與賈韋不
合

晉侯逆夫人嬴氏以歸解秦穆公女文嬴也

賈侍中云嬴氏秦穆公女文嬴也或云夫人辰嬴也傳曰
辰嬴賤班在九人非夫人也賈得之國語晉語四注

秦伯送衛於晉三千人實紀綱之僕解新有呂卻之難國未
輯睦故以兵衛文公諸門戶僕隸之事皆秦卒共之爲之紀

綱

所以設國紀綱爲之備衛僕使也

晉語四注

韓非子曰

十篇

穆

公以疇騎二千輔公子重耳入之于晉漢書注曰

高帝紀上注

漢律民年二十傅之疇官各從其父學習騎射故謂之疇

騎卽所謂紀綱之僕也高誘曰

呂氏春秋懷寵篇注

衛猶護助也服

虔文七年注云衛從兵也

太平御覽皇親部十二惠氏補注二

行者爲羈紲之僕

馬曰羈犬曰紲言此二者臣僕之役

晉語四注

生原同屏括樓嬰解原屏樓三子之邑

原卽周襄王所賜邑趙衰嘗爲原大夫今河南懷慶府濟

源縣西北十五里有原鄉

大事表七之三

路史曰炎帝臣屏翳封

屏國趙括采邑當在其處又今山西隰州永和縣南十里

有樓山城

春秋地名攷略四

以叔隗爲內子解卿之嫡妻爲內子

內子大夫適妻也

禮記會子問注

若對而言之則卿妻曰內子大

夫妻曰命婦若散而言之則大夫是卿之總號其妻亦總

名爲內子

又正義

晉侯求之不獲以縣上爲之田

推旣隱求之不得未幾而死乃以田祿其子爾楚辭九章云思久故之親身兮因縞素而哭之明文公在時推已死史記則云聞其入縣上山中於是環縣上山中而封之以爲介推田號曰介山然則受此田者何人乎於義有所不

通矣

顧氏補正上

案越語云王命環會稽三百里者以爲范

蠡地事亦與此類楚辭惜往日章云封介山而爲之禁兮
報大德之優游王逸注云言文公遂以介山之民封子推
使祭祀之又禁民不得有言燒死以報其德洪興祖補注
云封介山而爲之禁者以爲介推田也逸說非是履繩謂
禁民諱言其說本迂而封山祭祀情理所有諸書載介推
事甚詳初不及其子顧氏之論特想當然耳 餘見駁證
以志吾過

鄭康成曰志古文識識記也

周禮保章氏注

昭四年傳且曰志之

十三年傳歲聘以志業皆古文識蔡邕論語曰賢者志其

大者今作識

見隸釋氏補注二惠

案史記晉世家作以記吾過

是也

任昉齊竟陵文宣王行狀云以記吾過正用此

鄭公子士洩堵俞彌解堵俞彌鄭大夫

建安本公子士洩讀岳珂本公子士讀案僖二十年注公

子士鄭文公子洩堵寇鄭大夫此注云堵俞彌鄭大夫者

洩氏見前

傳七年

不須更舉也宜從岳本

某氏讀左傳隨筆

故封建親戚以蕃屏周正義蕃屏者分地以建諸侯使與京師作蕃籬屏扞也

或謂孔疏解周公封建親戚以蕃屏周是分地以建諸侯使與京師作蕃籬屏扞國並屬王畿外若下二十六國是非同縣內諸侯食采邑者比僅食采邑自不足當蕃屏故解祭伯原伯毛伯三國名在二十六國內者曰初悉封畿

外後不知何年本封絕滅還食采邑爲王卿士果爾則顧
命當周盛時若畢若毛豈有本封絕滅之事仍存向畿外
孔傳云入爲天子公卿似非無據余曰亦泥看蕃屏二字
昭九年文武成康之建母弟以蕃屏周下繫晉定四年昔
武王克商成王定之選建明德以蕃屏周下繫魯衛唐昭
二十六年昔武王克殷成王靖四方康王息民並建母弟
以蕃屏周下文一則曰諸侯莫不並走其望固指畿外諸
侯蓋諸侯祭名山大川之在其國者曰望再則曰諸侯釋
位以閒王政卻又指周召二公號共和者諸侯豈非畿內
乎且成十一年昔周克商使諸侯撫封蘇忿生以溫爲司
寇溫今懷慶所領縣僖二十四年扞禦侮者莫如親親故

以親屏周亦承鄭言鄭初封在今之華州並畿內國至杜
注管雍畢鄆等十國十已得其四或洛邑或宗周並屬短
長千里之內豈得盡謂本封絕滅還食采地者乎或曰祭
周公季子今河南開封府鄭州東北十五里有祭城爲其
封杜氏釋例所謂祭城在河南上有敖倉者是春秋以還
淪爲鄭地而王畿見有祭伯祭公以伯裔上兼公非孔疏
解之大申證乎余曰祭畢竟初封在周之畿內矣豈不足
當封建當蕃屏乎

尚書古文
疏證五上

管解管國在滎陽京縣東北

管氏周文王第三子管叔鮮之國

通志氏
族略二

今河南開封府

鄭州卽故管城春秋前已絕封其地屬檜檜滅屬鄭宣十

二年晉師救鄭楚子次于管以待之是也

大事表五

蔡

蔡氏文王第五子蔡叔度之國也

本史記

或言第十四子

氏族

略

封地詳隱四年

毛

毛氏周文王之子毛伯明之所封世爲周卿士食采於毛子孫因以爲氏

氏族略三

毛伯始封文王子叔鄭在今河南府

宜陽縣境

大事表五

案本年傳毛伯卽其後尚書顧命稱毛

公孔傳以爲三公之公是也書正義引王肅云畢毛文王庶子宋胡寅皇王大紀亦云武王封庶弟叔繡於滕叔鄭於毛乃鄭樵獨以爲毛伯明不知所本杜氏定四年注稱

毛叔聃與聃季封國同名蓋傳寫之誤餘詳定四年駁證

聃氏風俗通周文王第十子聃季載之後

本史記

案世系譜

聃季載文王第十七子周有聃啟

見文十四年氏族略二

國于那處

今湖廣安陸府荊門州東南有那口城不知何年滅于楚莊十八年遷權於那處則聃之滅又在權前矣

大事表五

雍解雍國在河內山陽縣西

范曄云山陽有雍城文王第十三子雍伯受封之國

氏族略二

今河南懷慶府修武縣西有雍城

大事表五

畢解畢國在長安縣西北

此名畢原非畢陌之在渭水之北者癸丑秋曾經過其地

正周畿內國

尚書古文疏證五上案氏族略云長安縣西有杜山又曰畢陌是其地故閭氏非之

今陝西西安府咸陽縣北五里有畢原

大事表五

餘見閭元

年畢萬下

原

皇甫謐云原公名豐是其一也是爲文王之子一十六國

然文王之子本無定數并原豐爲一當召公於中以爲十

六謬矣

書君奭正義詳見四年召康公下

案傳文原鄠相連皇甫氏以

鄠爲豐又并爲一非也氏族略但云原伯不著其名餘已

見莊十八年及詳此年駁證

鄠解鄠國在始平鄠縣東

鄠氏周文王之子鄠侯之後或言第十七子此文王之舊

都也

通志氏族略二

鄆本商崇侯虎地文王滅崇作豐邑武王封

其弟爲鄆侯竹書紀年成王十九年黜豐侯自是絕封今

陝西西安府鄆縣東五里有鄆城

大事表五

鄆

鄆氏周文王之子封鄆侯或言第十七子

氏族略二

案上云

次于鄆卽其地不知何年爲晉所滅與桓九年之荀國別

詳見彼文下

邗解河內野王縣西北有邗城

于氏卽邗氏周武王之子邗叔所封之國

氏族略二案唐書宰相世系

表二下周武王第二子邗叔

今河南懷慶府城西北三十里有邗臺村

大事表五

別詳駁證

應解應國在襄陽城父縣西南

應氏侯齊武王第四子

氏族略二

潁川郡父城應鄉故國周武

王弟所封

漢書地理志上

應劭曰韓詩外傳周成王與弟戲以桐

葉爲圭吾以此封汝周公曰天子無戲言王應時而封故

曰應侯鄉是也臣瓚曰呂氏春秋曰成王以戲授桐葉爲

圭以封叔虞非應侯也汲郡古文殷時已自有國非成王

之所造也師古曰武王之弟自封應國非桐圭之事也應

氏之說蓋失之焉

又注

今河南寶豐魯山二縣界有應城屬

州

日講春秋解義二十

不知何年絕封地入周後入秦史記赧王四

十五年客謂周最以應爲秦太后養地是也

案春秋地名攷略云秦昭

王時范睢封于此曰應侯大事表五

案晉書地理志譙郡有城父縣襄

城郡有父城縣其襄陽郡別無城父杜氏此解乃傳寫之
譌觀昭九年解城父縣屬譙郡十九年解襄城城父縣可
見特襄城之城父誤倒爾

詳見
駁證

續漢書郡國志云父城有

應鄉引杜預曰應國在西南又其證也桐圭封應之說見
史記梁孝王世家內褚先生言之蓋卽應劭所本索隱以
爲或別有所見故不同也然所引韓詩外傳今本無之水
經澶水注亦云韓詩外傳其爲佚文審矣水經注又云應
侯之國詩所謂應侯順德者也

大雅
下武

與毛鄭義別

詩傳應
當侯維

路史國名紀應侯喬注云韓詩應侯酈氏之說豈本之韓

詩內傳耶

韓解韓國在河東郡界

韓姬姓之國也後爲晉所滅故大夫韓氏以爲邑名焉

詳韓

夾序

襄二十九年左傳說晉滅諸國云霍揚韓魏皆姬姓

也晉之滅韓未知何君之世宣王之時韓爲侯伯武公之

世萬已受之

桓三年左傳云曲沃武公伐翼韓萬御戎

蓋晉文侯輔平王爲方

伯之時滅之也故韋昭云近宣王時命韓侯爲侯伯其後

爲晉所滅以爲邑以賜桓叔之子萬是爲韓萬則其亡在

平王時也

又正義

今陝西同州府韓城縣南十八里有古韓

城

大事表五

餘見桓三年

蔣解蔣在弋陽期思縣

蔣氏周公之第三子伯齡所封之國也

通志氏族略二

蔣初伯後

侯班志云汝南期思有蔣鄉古蔣國楚滅爲期思

期思邑見文十

路史國名紀五 蔣在河南光州固始縣西北七十里 春秋與圖

茅鄉高平昌邑縣西有茅鄉

茅國茅伯所封後爲邾邑哀七年茅成子以茅叛是也 春秋

地名攷略十四 今山東金鄉縣西北有昌邑城其西有茅鄉 屬濟寧州

日講春秋解義二十

胙解東郡燕縣西南有胙亭

今滑州胙城是其國爲南燕所并風俗通周公之子胙侯

通志氏族略二 胙國故城在河南衛輝府延津縣北三十五里 統一

志一百二十

祭

今鄭州東北一十五里有祭城是也今攷鄭別有祭左傳

桓十一年祭封人仲足杜注祭鄭地陳畱長垣縣東北有祭城二祭雖俱在鄭境相去甚遠

畢沅晉書地理志補正一

案隱元

年祭伯伯是其爵桓八年稱祭公蓋爲天子之三公也餘

見隱傳

召穆公思周德之不類故糾合宗族于成周而作詩解召穆公周卿士名虎召采地扶風雍縣東南有召亭周厲王之時周德衰微兄弟道缺召穆公于東都收會宗族特作此周公之樂歌常棣詩屬小雅正義常棣之詩周公所作故周語說此事云周文公之詩曰卽明是周公作也

世本穆公是康公之十六世孫

詩江漢序正義

左傳服虔注云穆

公召康公十六世孫然康公與成王同時穆公與厲王並

世而世數不同者

鄭箋云厲王成王七世孫

生子有早晚壽命有長短

故也

詩民勞序正義

召者畿內采地夷始食於召故曰召公或說

者以爲文王受命取岐周故虛周召地分爵二公故詩有

周召二南言皆在岐山之陽故言南後王封之北燕在今

幽州薊縣故城是也亦以元子就封而次子畱周室代爲

召公至宣王時召穆公虎其後也

史記燕系家索隱

厲王無道骨

肉恩闕親親禮廢宴兄弟之樂絕故召穆公思周德之不

類而合其宗族於成周復脩常棣之歌以親之鄭唐二君

以爲常棣穆公所作失之矣唯賈君得之穆公召康公之

後也去周公歷九王矣

國語周語中注

餘詳隱六年莊廿七年

使顏叔桃子出狄師夏狄伐鄭

西亭辯疑云鄭在畿內王所倚毗顏叔桃子將欲叛王故先啟狄伐鄭此蓋爲叔帶謀也

春秋辯義十一

甘昭公解王子帶也食邑於甘河南縣西南有甘水

甘氏夏時侯國酈道元云甘水東十里洛陽南有故甘城世謂之鑒城一云周武王封同姓於畿內因氏焉甘昭公

者周惠王之子王子帶也魯僖元年又封之於甘

通志氏族略三

甘在河南府洛陽縣西南二十五里

春秋與圖

案僖七年惠

王初崩襄王因太叔帶之寵懼不得立可知惠王在位時方欲立帶斷無別封甘地之理觀齊桓於僖五年爲會于首止以定王太子之位更可知元年必不封帶於甘也十二年帶以召戎之故奔齊廿二年襄王復召帶歸從富辰

之請因惠后之寵封甘必在此時故前稱太叔帶或稱王子帶于此年始稱甘昭公可見鄭樵之說誤也

及坎欲解周地在河南鞏縣東

坎欲在河南府鞏縣東南

春秋輿圖

處于汜解鄭南汜也在襄城縣南

南汜水在今河南許州府

今改州治

襄城縣南京相璠曰南汜

水出襄城縣浮城山至鄭州汜水縣入河以周襄王出居

于此故名襄城成七年楚子重伐鄭師于汜襄二十六年

楚伐鄭涉于汜昭五年楚令尹子蕩如晉逆女過鄭鄭伯

勞于汜皆此汜也

大事表八上

案周有汜見昭廿二年

問禮於皇武子解皇武子鄭卿

皇武子疑卽皇戌之諡

成見宣十二

世族譜於皇氏下列爲二

人或傳寫有譌

萬氏氏族略

石甲父

石癸始見左宣三亦曰石甲父

傷廿四三十

蓋甲父卽癸之字

通志氏族略三以石甲父石癸爲二人廣韻注作甲石甫

謂姓甲並誤

伯兄玉繩漢書人表攷

案高士奇春秋左傳姓名同

異攷云石甲父亦曰石癸亦不從鄭說

侯宣多

侯氏出自姒姓夏后氏之裔封於侯子孫因以爲氏一云

本出姬姓晉侯緡爲曲沃武公所滅子孫適於他國以侯

爲氏鄭有侯宣多

唐書宰相世系表二中

金鄉長侯成碑其先出自

幽岐周文之後封于鄭鄭共仲賜氏曰侯厥胤宜多以功

佐國

洪适隸釋八

省視官具于汜解省官司具器用

戰國策

趙三

曰天子巡狩諸侯辟舍納筦鍵攝衽抱几視膳

於堂下天子已食退而聽朝也

惠氏補注二

僖廿五

遇黃帝戰于阪泉之兆解黃帝與神農之後姜氏戰于

阪泉之野勝之正義大戴禮五帝德曰黃帝與赤帝戰于阪

泉之野云云

昔天之初口作二后乃設建典命赤帝分正二卿命蚩尤

于宇少昊以臨四方司口口上天未成之慶蚩尤乃逐帝

爭于涿鹿之河九隅無遺赤帝大懾乃說于黃帝執蚩尤

殺之于中冀以甲兵釋怒用大正順天思序紀于大帝用

名之曰絕轡之野

逸周書
嘗麥解

昔阪泉氏用兵無已誅戰不休

并兼無親文無所立智士寒心徙居至于獨鹿諸侯畔之

阪泉以亡

史記
解

黃帝與炎帝戰於阪泉之野帥熊羆狼豹

羆虎爲前驅雕鶚鷹鳶爲旗幟此以力使禽獸者也

列子
黃帝

篇炎帝欲侵陵諸侯諸侯咸歸軒轅軒轅乃脩德振兵治

五氣藝五種撫萬民度四方教熊羆貔貅羆虎以與炎帝

戰於阪泉之野三戰然後得其志蚩尤作亂不用帝命於

是黃帝乃徵師諸侯與蚩尤戰於涿鹿之野遂禽殺蚩尤

史記五
帝本紀

黃帝與炎帝之後戰於阪泉遂王天下

漢書律
歷志下

鄧展云神農後子孫亦稱炎帝而登封者律歷志黃帝與炎

帝戰於阪泉豈黃帝與神農身戰乎皇甫謐云炎帝傳位

八代也

史記封禪書索隱

括地志云阪泉今名黃帝泉在媯州懷

戎縣東五十六里出五里至涿鹿東北與涿水合又有涿

鹿故城在媯州東南五十里本黃帝所都也案阪泉之野

則平野之地也

史記五帝本紀正義

阪泉今在直隸保定境

春秋地名攷略

二十

案賈子新書制不定篇云黃帝行道而炎帝不聽故

戰涿鹿之野後人遂以爲卽阪泉之戰非也蓋阪泉涿鹿

地相近因誤合之當以史記爲定蚩尤乃神農時諸侯

本莊

子釋文

與炎帝之後自別故戰國秦策黃帝伐涿鹿而禽蚩

尤莊子盜跖篇黃帝與蚩尤戰於涿鹿之野可證

釋文涿鹿音卓

本又作渴案逸周書作獨鹿亦卽渴鹿也

善乎郡國志之注曰于瓚案禮五帝

德云黃帝與赤帝戰於阪泉之野不在涿鹿是伐蚩尤之

地也

晉侯辭秦師而下解順流故曰下

東行曰下

國語晉語四注

次于陽樊

服虔曰陽樊周地陽邑名也樊仲山父所居故曰陽樊

史記

晉世家集解

案晉語倉葛曰陽人有樊仲之官守仲山甫爲宣

王卿士食采於樊

見周語上晉語四注

今西安咸寧縣之樊鄉

陝西

東遷後再封於河北

春秋地名攷略一曰周語稱樊仲山甫

案詩烝民正義

之君也左傳說晉文公納定襄王王賜之樊邑則樊在東都之畿內也杜預云經傳不見畿內之國稱侯男者天子不以此爵賜畿內也如預之言畿內

本無侯爵傳言樊侯不知何所案據

餘已詳隱十一年

莊廿九年傳

殺之于隰城

隰城卽隰郕見隱十一年

春秋地名攷略一

請隧解闕地通路曰隧王之葬禮也諸侯皆縣柩而下

隧者請掘地通路上有負土諸侯已下上無負土謂之羨

塗天子有負土謂之隧文公請之欲行天子之禮

周禮秋官司約

疏隧與羨異者隧道則上有負土謂若鄭莊公與母掘地

隧而相見者也羨道上無負土若然隧與羨別而鄭云隧

羨道者對則異散則通

春官冢人疏

案周語中注賈侍中云

隧王之葬禮闕地通路曰隧杜氏本之別見駁證

未有代德而有二王

周書芮良夫曰觀天下有土之君厥德不遠罔有代德

惠氏

補注

二

晉於是始啟南陽解在晉山南河北故曰南陽

南陽卽今太行山之南河內濟源修武溫縣地

四縣並河南懷慶府

屬孟子遂有南陽趙注山南曰陽岱山之南謂之南陽也

二南陽所指各不同公羊傳閔二年齊桓使高子將南陽之

甲立僖公而城魯注南陽齊下邑

四書釋地

餘又見文元年

衛南陽下

倉葛

倉氏黃帝史官倉頡之後或言古有世掌倉庾者各以爲

氏春秋時周有倉葛

通志氏族略四

乃出其民解取其土而已

放令去也

國語周語中注

秦晉伐都

解都本在商密秦楚界上小國其後遷於南郡都

縣

都少昊後國子喬世本云允姓國秦入之

路史國名紀二

國于商

密今河南南陽府內鄉縣西南百二十里丹水故城是後

遷于都今湖廣襄陽府宜城縣東南九十里有都縣故城

文五年秦人入都蓋自是南徙爲楚附庸定六年遷郢於

都則楚已滅之爲邑矣

大事表五

楚鬬克解申公子儀

儀父申公鬬班之子鬬克也

班見莊三十年國語楚語上注

秦人過析隈

解

析楚邑一名白羽今南鄉析縣隈隱蔽之處

析今河南南陽府淅川縣及內鄉縣之西北境皆析地

大事

表七

昭十八年楚遷許于此戰國時秦昭王發兵出武關

攻楚取析是也析隈山今在南陽府鄧州南七十里俗譌

爲廝隈山

春秋地名
攷略八

寺人勃鞞

解

勃鞞披也

寺人披閹官也一名伯楚文公時爲勃鞞勃鞞亦官名

宋

國語補
音一

案史記作履鞞疑主履者若周官之鞞屨氏也

餘見前五年及攷異

信廿

公使展喜犒師

解

勞齊師

正義

犒者以酒食餉饋軍師

之名也服虔云以師枯槁故饋之飲食勞苦謂之勞也魯語

云使展喜以膏沐犒師

今國語作乙喜

乙喜魯大夫展喜也

國語魯語上注

高誘淮南子注曰酒肉曰餽

牛羊曰犒其其枯犒也

汜論訓

案犒非古字古作橐或作犒

廣雅始从牛旁洪氏隸續載漢碑有勞醕之語

見斥彰長川君碑

醕與犒同公羊注云牛酒曰犒

見莊四年經注

故其字一从牛一

从酉漢隸皆然非古文也說文無犒字周禮小行人云若

國師役則令犒贈之注云故書犒爲橐鄭司農曰橐當爲

犒謂犒師也先鄭不言字誤明古犒字本作橐或作犒

案

書橐飫傳橐勞也周禮地官橐人職文作犒人義並从犒師之犒

與服子慎枯犒之說合

案虞書正義周禮橐人牛人文選述祖德詩注並用服義

張有復古編云鎬餉也从金

高別作犒非五經文字注勞師也借犒字爲文案說文鎬

溫器也以鎬爲犒勞字無據

惠氏補注二

使受命于展禽

解

柳下惠

正義

魯語展禽對臧文仲云獲聞

之是其人氏展名獲字禽柳下是其所食之邑名諡曰惠云

云

禽喜之兄柳下惠也

通志展喜傳注

名獲字子禽

荀子成相篇注莊子盜跖篇

釋文

展禽爲魯公族居應于曲阜而食邑則在柳下今不

可的知所在以顏觸言秦攻齊令有敢去柳下季壟五十步而樵采者死不赦證之古人多葬於食邑則柳下自當在齊之南魯之北二國壤接處方昔爲魯地後爲齊有也

四書釋地續

余於乾隆己酉孟夏至曲阜過宋家營有柳下

惠墓豈卽春秋之柳下乎

東門襄仲

解

襄仲居東門故以爲氏

帥以門名者所被徽識如其在門所樹者也軍將皆命卿

古者軍將蓋爲營治於國門魯有東門襄仲宋有桐門右

師

昭二

皆上卿爲軍將者也

周禮夏官大司馬注

仲遂

春秋稱公子遂宣八年經

稱仲

魯莊公之子東門襄仲

禮記檀弓下注義曰世本及左傳文也

案正

夔子不祀祝融與鬻熊解夔楚同姓國今建平秭歸縣鬻熊

祝融之十二世孫

正義

楚世家

云云

湖廣歸州西南有夔子城地名夔沱

案州屬宜昌府講春秋解義二十

日

鬻熊子者師臣西伯

路史後紀入

世有鬻子書云文王初見鬻

子年已九十王曰老矣對曰君若以臣逐麋則老矣坐策

國事臣年尚少史記及釋例云鬻熊子蚤卒繆乃其子事

文王云

又注馬氏釋史二十一云諸書言鬻子見文王年已九十而鬻子書有康叔守殷賈誼書言成王

見於鬻子壽何長也史云鬻熊蚤卒而成王之所封乃其曾孫也事頗乖異姑闕以俟攷

我先王熊摯有疾鬼神弗赦而自竄于夔吾是以失楚解熊摯楚嫡子有疾不得嗣位故別封爲夔子正義楚世家無其事不知熊摯是何君之適何時封夔案鄭語孔晁注云熊繹玄孫曰熊摯有疾楚人廢之立其弟熊延熊摯自弃於夔子孫有功王命爲夔子亦不知何所據也

熊渠卒子熊摯紅立摯紅卒其弟弒而代立曰熊延史記楚世家

家案熊摯熊紅爲兄弟二人皆熊渠子也安得稱熊摯紅

哉攷左氏傳文及孔疏引孔晁注知今所傳韋昭國語注與孔晁同但熊延繼紅而立孔韋兩注皆缺紅一代惟韋

改繹玄孫爲繹六世孫與世家合余疑熊渠有四子長爲

摯

正義引宋均注樂緯云熊渠嫡嗣曰熊摯

次康次紅次執疵世家稱熊渠生

子三人以康爲長子紅爲中子執疵爲少子而不數摯者

必因廢疾竄處不復齒之耳熊延當卽執疵旣代立而改

名也

索隱引譙周謂熊渠卒子熊翔立疑紅之改名

史于世表世家俱合摯紅爲

一人殊誤且旣云紅卒則非弑矣而云弑者蓋弑其子史

有脫文耳

史記志疑二十二

鬬宜申解司馬子西也

鬬氏廉生申公班班生宜申案杜預注以申公班爲若敖

孫

見莊三

十年疏然若敖有四子不知班爲孰之子今攷世族譜

以宜申爲鬬廉孫因宜申而證申班意宜申或以父所封

名之則宜申其申公班之子乎

春秋分記
世譜七

公以楚師伐齊取穀

莊七年解

穀齊地今濟北穀城縣

穀小穀二名

杜氏土
地名

齊穀在山東泰安府東阿縣東二十

六里

春秋
輿圖

詳莊卅三年凡說

凡師能左右之曰以解左右謂進退在己

春秋之義能東西之曰以

詩載
芟箋

左傳曰凡師能左右之曰

以左右卽東西也

又正
義

補釋七